

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: Kuvendi i Komunës së Prishtinës

Për Aktivitetin e Prokurimit:

Nr i prokurimit	616-22-14100-1-1-1
Nr i brendshëm	

Sa i përket tenderit për: Furnizim me tabela të menqura

ANKESË

1. Identifikimi i ankuesit*

Emri i Kompanisë: **Botek shpk**

Adresa : **Rruga "Agim Ramadani", Nr. 517, Prishtinë, 10 000**

Numri Telefonit/ Numri i Faks-it: **038/245830 / 038/245625**

(Emri i plotë i përfaqësuesit të kompanisë suaj: **Hilmi Asllani**

Adresa elektronike: **hilmi.asllani@bo-tek.com**

Data e parashtrimit të ankesës: **06.01.2023**

Nënshkrimi dhe vula:



2. Identifikimi i avokatit

Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)(Numri i faks-it)

(Adresa elektronike)

(Data e parashtrimit të ankesës)(Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar “ Njoftimi për Kontratë “apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës”, “Njoftimi për Rezultatet e Konkursit të Projektimit” apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

- Njoftimi për kontratë: 09.12.2022
- Afati i fundit për dorëzim të tenderit : 08.01.2023 - ora 14:00
- Kriteri për dhënien e kontratës : Çmimi më i ulët.
- Aneksi 5 - Kërkesa për informacione shtese dërguar te AK përmes Platformës së e-Prokurimit: 19.12.2022
- Përgjigjja e AK për sqarimet e Dosjes së Tenderit e publikuar në platformën e E-prokurimit : 22.12.2022
- Kërkesa për Rishqyrtim dërguar AK përmes Platformës së e-Prokurimit: 23.12.2022
- Vendim i Autoritetit Kontraktues në Kërkesën për Ri-Shqyrtim: 29.12.2022
- Parashtrësë dërguar Autoritetit Kontraktues: 30.12.2022
- Përgjigje nga Autoriteti Kontraktues: 30.12.2022

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po

☐

Jo

☐

Nuk aplikohet

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☐

Jo ☐

Nuk aplikohet

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Me datën 23.12.2022 përmes platformës së E-prokurimit kemi dërguar Kërkesën për Rishqyrtim te Autoriteti Kontraktues – Kuvendi i Komunës së Prishtinës

Me datën 29.12.2022 kemi pranuar Vendim për Rishqyrtim të Kërkesës sonë nga Autoriteti Kontraktues.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs te Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

1. Shkeljet e dispozitave të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092:

- Neni 7: Barazia, Trajtim/ Jo- Diskriminimi

- Neni 53: Sigurimi i informatave shtesë për kandidatët dhe tenderuesit

2. Shkeljet e dispozitave - Rregullat dhe Udhëzuesi Operativ për Prokurimin Publik Nr 001/2022

- Neni 24: Ofrimi i informacioneve shtesë ose sqarimeve dhe zgjatjet e afateve kohore

- Neni 63: Vendimi i Autoritetit Kontraktues

*** Sipas Nenit 118 të LPP, OSHP-ja do të kthejë tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Përmes kësaj ankese, atakojmë Vendimin e datës 29.12.2022 nga AK (Kuvendi i Komunës së Prishtinës) mbi aprovimin e pjesërisht të Kërkesës sonë për Rishqyrtim.

Për të sqaruar gjithë situatën, po e elaborojmë edhe njëherë në detaje aktivitetin e prokurimit dhe veprimet e ndërmarra në këtë procedurë deri tani:

1. Pas publikimit të dosjes së tenderit nga ana e AK- Kuvendi i Komunës së Prishtinës, në **FDT Pika 9.1&9.2 Kërkesa mbi mundësit teknike / profesionale**, kemi konstatuar disa kërkesa për dokumente shtesë dhe diskriminuuese, gjegjësisht potencialisht favorizuese për ndonjë OE të caktuar nga AK, e të cilat e pamundësojnë pjesëmarrjen e më shumë OE në këtë aktivitet të prokurimit.

AK ka kërkuar kopje të noterizuara të disa certifikatave të prodhuesit si; ***“Certifikata e kualitetit për shpenzim minimal të energjisë”, “Certifikata që produkti ka kaluar testet kundër zjarrit dhe Certifikata se produkti ka kaluar testin e ndryshkjes korrozionit”***. Këto certifikata janë kërkuar kopje të noterizuara për vitin 2022.

Këtu edhe qëndron tendenca diskriminuuese (gjegjësisht favorizuese për ndonjë OE të caktuar) nga ana e AK, e cila me kërkesa të tilla krejtësisht të panevojshme teknikisht & profesionalisht, kufizon konkurrencën skajshmërisht, duke pamundësuar / kufizuar pjesëmarrjen e më shumë OE në tender.

Prodhuesit e pajisjeve të kërkuara në këtë aktivitet të prokurimit, janë prodhues botëror (si LG, Samsung, SmartTech, NEC, IIAMA etj etj) ndërsa certifikatat e kërkuara nga ana e AK, gjenden në web sitet e tyre dhe mund të verifikohen lehtësisht në çdo kohë nga AK apo kushdo tjetër.

Prandaj, kjo kërkesë për certifikatat e sipërpërmendura të noterizuara jo vetëm se është e panevojshme por edhe e pamundur ligjërisht, pasi që këto certifikata Origjinale NUK ka mundësi Prodhuesit të ua dërgojnë OE nëpër botë, por ne si OE të njëjtat i marrim në formë digjitale duke i shkarkuar nga Web Site apo AK i verifikon vet direkt, mirëpo si të tilla, **me Ligjin për Noterinë në Kosovë Nr 06/L-01, Neni 47 - Vërtetimi i kopjeve të dokumenteve origjinale, nuk mund të noterizohen.**

Për të vërtetuar edhe njëherë këtë, ne kemi kërkuar nga disa noterë nëse mund të bëhen noterizimi i kopjeve të certifikatave të dërguara nga prodhuesit, mirëpo ata na kanë sqaruar se noterizimi mund të bëhet pasi të prezantohet certifikata origjinale në formë fizike, cka në këtë rast dhe raste të ngjashme është e pamundur!

Prova 1_Përgjigjet nga Noterët

2. Me datë 19.12.2022, përveç çështjes së Certifikatave sikurse në piken 1, ne kemi kërkuar sqarime shtesë nga AK, përmes Kërkesës për informacione shtesë, në total gjashtë (6) kërkesa, ndërsa AK na është përgjigjur në vetëm njërën prej tyre.

Kështu, AK ka bërë shkelje të LPP-së dhe RRUOPP-së, pasi që për pesë (5) kërkesat e tjera, nuk ka kthyer asnjë përgjigje, refuzuese ose pranuese, sikurse kërkohet me LPP **Neni 53 i LPP Nr. 04/L-042 Sigurimi i informatave shtesë për kandidatët dhe tenderuesit, paragrafi 5:** *“Nëse autoriteti kontraktues konstaton se operatorët ekonomik nuk kanë nevojë për informatat e kërkuara, autoriteti kontraktues menjëherë do t'i njoftojë mbi refuzimin e kërkesës me shkrim operatorit përkatës ekonomik”*; dhe RRUOPP **Pika 24 e RRUOPP Nr.001/2022 ofrimi i informacioneve shtesë ose sqarimeve dhe zgjatjet e afateve kohore, paragrafi 4:** *“AK do të shqyrtoj menjëherë kërkesën sipas paragrafit 24.3 të kësaj rregullore dhe do të konstatoj nëse informata shtesë ose sqarimi i kërkuar është i nevojshëm apo jo:*

- Nëse jo AK do të informoj menjëherë, përmes platformës, OE në fjalë për mohim.
- Nëse po AK do të ofrojë informatat shtesë menjëherë, përmes platformës, por nuk do të bëjë të ditur burimin e kërkesës së tillë.

Ndërsa AK, nuk i ka marrë fare parasysh kërkesat tona për sqarime shtesë të dosjes, duke i injoruar krejtësisht ato dhe duke mos informuar OE për mohim/refuzimin e kërkesave, përkundër faktit se janë konstatuar mospërputhje të mëdha në mes të **Kërkesave në FTD, Anexi 1 Specifikimet teknike të detyrueshme** si dhe atyre në **Kushtet e Veçanta dhe Përshkrimi i çmimeve**, që e bënë të pamundur përgatitjen dhe dorëzimin e një oferte të përgjegjshme nga cilido OE në këtë rast!

Për ti vërtetuar këto pretendime tona, ju lutem referojuni provës 2 si në vijim ku të hijezuara me ngjyrë të verdhë janë kërkesat tona për të cilat nuk kemi pranuar asnjë përgjigje nga ana e AK

Prova 2_Kërkesa për informacion shtesë dhe përgjigja nga AK

3. Pas pranimit të përgjigjeve të mangëta nga AK, ne kemi vazhduar me **Kërkesën për Rishqyrtim** (datë 23.12.2022), ku kemi kërkuar edhe njëherë nga AK, përgjigje në kërkesat tona për sqarime të dosjes së tenderit.

Me datë **29.12.2022**, AK ka publikuar Vendimin, përmes së cilës ka aprovuar pjesërisht Kërkesën tonë për Rishqyrtim, duke larguar tre (3) kritere dhe për pikat tjera NUK ka dhënë asnjë përgjigje.

Sa për sqarim, ne nuk kemi kërkuar largimin e kriterit / kërkesës rreth certifikatave, por kemi kërkuar largimin e kërkesës për dorëzim të **kopjeve e certifikatave të noterizuara**, për arsyt e cekura në pikën 1 të kësaj ankese.

Pra është e pashpjegueshme, se si AK ka larguar krejtësisht kërkesën për dy certifikata (6&7), ndërsa për një të tjetër nuk ka mundur të paktën largimin e kërkesës për kopjen e certifikatës së noterizuar.

Sërish, edhe pas Vendimit në kërkesën për Rishqyrtim nga ana e AK, ku na ishin aprovuar pjesërisht disa nga kërkesat, ne nuk kemi marrë asnjë sqarim për kërkesa për sqarime shtesë nr. 2, 3,4 & 5 si dhe pikën 1 të kërkesës nr 6.

Poashtu, vendimi nga AK është i mangët, pasi që nuk plotëson kriteret sipas dispozitave të LPP-së dhe RRUOPP-së (Neni 63), sepse ky vendim nuk jep përgjigje në pretendimet tona në KpR si dhe nuk përmban këshillën juridike në fund. Pra, nuk ka marrë parasysh kërkesat tona, duke pranuar ose refuzuar ato, respektivisht duke dhënë arsyetim për refuzimin e tyre.

Pas këtij vendimi, ne me datë 30.12.2022, me qëllim të evitimit të prolongimit të kësaj procedura, duke shkuar me ankesë pranë OSHP, ne kemi dërguar parashtrësë përmes e-mailit dhe e-prokurimit, tek AK, duke kërkuar edhe një herë nga AK që të na ofrojnë sqarime në kërkesat tona, të cilat vlerësojmë që janë të domosdoshme për një aktivitet të prokurimit të drejtë.

Mirëpo, AK në të njëjtën ditë, na kthejnë një e-mail aspak profesional dhe të papërshtatshëm për një institucion sikurse KK Prishtinë, *duke na akuzuar padrejtësisht në diktim të politikave të brendshme të AK-së, përkundër faktit se ne si OE kemi kërkuar vetëm aplikimin e drejtë të ligjeve në fuqi, gjithnjë duke synuar parandalimin e shkeljes së tyre nga AK.*

Bazuar në të gjitha shpjegimet dhe provat e lartshënuara, kërkojmë nga Paneli Shqyrtues i OSHP-së që:

- **Ankesa jonë të aprovohet në tërësi si e bazuar,**
- **Të obligoj Autoriteti Kontaktues ti bëjë ndryshimet e nevojshme të specifikave teknike dhe kërkesave tjera diskriminuese dhe të njëjtat t'i hartojë në përputhje me legjislacionin primar dhe sekondar të Prokurimit Publik në Republikën e Kosovës.**

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Dëmet e shkaktuara me rastin e përgatitjes së Kërkesës për Ri-shqyrtim te Autoriteti Kontraktues dhe Ankesës në Organin Shqyrtues të Prokurimit.

10. Lista e dokumenteve (dëshmive) të bashkangjitura

1. Njoftimi për kontratë: 09.12.2022
2. Prova 1 dhe 2
3. Kërkesa për Rishqyrtim dërguar AK përmes Platformës së e-Prokurimit: 23.12.2022

- 4. Vendim i Autoritetit Kontraktues mbi Refuzimin e Kërkesës për Ri-Shqyrtim: 29.12.2022**
- 5. Dëshmia Pagesa e Ankesës ne OSHP**

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*